

Ulvådalen Sausankelag v/Geir Hanekamhaug

6300 ÅNDALSNES
Att:

SAKSHANDSAMAR: KRISTINE SØRLIE

ARKIVKODE: 2014/2296 - 432.3

DATO: 22.07.2016

**REINHEIMEN NASJONALPARK - DISPENSASJON - 2016 - SØKNAD OM NY PLASSERING AV GJETERHYTTE I BØRREBOTNEN -
ULVÅDALEN SAUSANKELAG**

Nasjonalparkstyret for Reinheimen har i møte 22.07.2016, sak 32/16, gjort slik samrøystes vedtak:

«Med heimel i verneforskrift for Reinheimen nasjonalpark § 3, pkt. 1.3, bokstav c), får Ulvådalen Sausankelag avslag på søknad om ny plassering av gjeterhytte ved Børrebottvatnet i Børrebotnen i Reinheimen nasjonalpark.

Ny plassering i Børrebotnen er ei vesentleg endring i høve til tildelt tomt ved den tidlegare teltplassen vest for Børrebottelva. Fordelane ved å plassere gjeterhytta lenger inn i nasjonalparken er små, medan ulempe for verneverdiane er store, og i strid med verneføremålet for Reinheimen nasjonalpark.

Nasjonalparkstyret viser til at Ulvådalen Sausankelag har fått dispensasjon til oppføring av gjeterhytte 27.11.2014 i sak 36/14, og at det er sett slik vilkår om plassering, pkt. 3: «Gjeterhytta skal plasserast på vestsida av Børrebottelva og T-merka stig til Tjønnebu, innafor Børrebotthøgda, i området nær tidlegare teltplass. Nøyaktig plassering skal avklarast i felt.»

Når endeleg plassering av gjeterhytta er avklart i felt, får Ulvådalen Sausankelag dispensasjon til å nytte helikopter for nødvendig transport av byggjematerialar og utstyr i samband med byggetiltaket. Dispensasjon er gjeve med heimel i verneforskrift for Romsdalen lvo, § 3 pkt. 5.3, b) og Reinheimen np, § 3, pkt. 6.3, b), og med følgjande vilkår:

- Dispensasjon gjeld for inntil 7 tur-returar frå Tunga bru til byggjetomt vest for Børrebotthøgda*
- Tal helikopterturar skal avgrensast til det som strengt tatt er nødvendig i samband med bygging av gjeterhytta, og gjennomførast i løpet av hausten 2016.*
- I forkant av helikoptertransporten skal sankelaget varsle lokalt SNO v/Thomas Rødstøl på tlf: 915 47 617.*
- Det skal førast køyrebok som skal vere med køyretøyet under transporten. Kopi av køyrebok skal sendast nasjonalparkforvaltar det aktuelle året, innan 31. desember.*

Dersom det er ønske om ny plassering av gjeterhytta og bygge på tomt ved Børrebottvatnet inne i Børrebotnen, må Ulvådalen Sausankelag søkje nasjonalparkstyret for Reinheimen om ny dispensasjon, for ei ny grundig konsekvensvurdering av tiltaket.»

Klage

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova § 28. Ei eventuell klage skal rettast til Miljødirektoratet, men sendast til Nasjonalparkstyret for Reinheimen.

Utskrift av saksprotokoll følgjer vedlagd.

Med helsing

Kristine Sørli
Nasjonalparkforvaltar

Brevet er godkjent elektronisk og har difor inga underskrift.

Kopi til:

Statens Naturoppsyn v/Per Olav Haugen

Rauma kommune

Statens naturoppsyn v/Thomas Rødstøl

Fylkesmannen i Oppland

Miljødirektoratet

Gerd Dale, jordbrukssjef Rauma kommune

Fylkesmannen i Møre og Romsdal

Ulvådalen Sausankelag v/ Åge

Arkivsaksnr: 2014/2296-7

Sakshandsamar: Kristine Sørli

Dato: 18.07.2016

Utval	Utvalssak	Møtedato
Nasjonalparkstyret for Reinheimen	32/16	22.07.2016

Reinheimen nasjonalpark - Dispensasjon - 2016 - Søknad om ny plassering av gjeterhytte i Børrebotnen - Ulvådalen Sausankelag

Forvaltar si innstilling

Med heimel i verneforskrift for Reinheimen nasjonalpark § 3, pkt.1.3, bokstav c), får Ulvådalen Sausankelag avslag på søknad om ny plassering av gjeterhytte ved Børrebottvatnet i Børrebotnen i Reinheimen nasjonalpark.

Ny plassering i Børrebotnen er ei vesentleg endring i høve til tildelt tomt ved den tidlegare teltplassen vest for Børrebottelva. Fordelane ved å plassere gjeterhytta lenger inn i nasjonalparken er små, medan ulempene for verneverdiane er store, og i strid med verneføremålet for Reinheimen nasjonalpark.

Nasjonalparkstyret viser til at Ulvådalen Sausankelag har fått dispensasjon til oppføring av gjeterhytte 27.11.2014 i sak 36/14, og at det er sett slik vilkår om plassering, pkt.3: «*Gjeterhytta skal plasserast på vestsida av Børrebottelva og T-merka stig til Tjønnebu, innafor Børrebotthøgda, i området nær tidlegare teltplass. Nøyaktig plassering skal avklarast i felt.*»

Saksprotokoll i Nasjonalparkstyret for Reinheimen - 22.07.2016

Per Magnus Berdal foreslo slik tilleggspunkt til vedtaket om motorisert ferdsel:

Når endeleg plassering av gjeterhytta er avklart i felt, får Ulvådalen Sausankelag dispensasjon til å nytte helikopter for nødvendig transport av byggjematerialar og utstyr i samband med byggetiltaket.

Dispensasjon er gjeve med heimel i verneforskrift for Romsdalen lvo, § 3 pkt. 5.3, b) og Reinheimen np, § 3, pkt. 6.3, b), og med følgjande vilkår:

- Dispensasjon gjeld for inntil 7 tur-returar frå Tunga bru til byggjetomt vest for Børrebotthøgda
- Tal helikopterturar skal avgrensast til det som strengt tatt er nødvendig i samband med bygging av gjeterhytta, og gjennomførast i løpet av hausten 2016.

- I forkant av helikoptertransporten skal sankelaget varsle lokalt SNO v/Thomas Rødstøl på tlf: 915 47 617.
- Det skal førast køyrebok som skal vere med køyretøyet under transporten. Kopi av køyrebok skal sendast nasjonalparkforvaltar det aktuelle året, innan 31.desember.

Magnhild Vik foreslo slik tilleggspunkt til vedtaket:

Dersom det er ønske om ny plassering av gjetarhytta og bygge på tomt ved Børrebottvatnet inne i Børrebotnen, må Ulvådalen Sausankelag søkje nasjonalparkstyret for Reinheimen om ny dispensasjon, for ei ny grundig konsekvensvurdering av tiltaket.

Innstillinga frå forvaltar og forslag om tilleggspunkt frå Per Magnus Berdal og Magnhild Vik vart samrøystes vedteke.

Vedtak

Med heimel i verneforskrift for Reinheimen nasjonalpark § 3, pkt.1.3, bokstav c), får Ulvådalen Sausankelag avslag på søknad om ny plassering av gjetarhytte ved Børrebottvatnet i Børrebotnen i Reinheimen nasjonalpark.

Ny plassering i Børrebotnen er ei vesentleg endring i høve til tildelt tomt ved den tidlegare teltplassen vest for Børrebottelva. Fordelane ved å plassere gjetarhytta lenger inn i nasjonalparken er små, medan ulempene for verneverdiane er store, og i strid med verneføremålet for Reinheimen nasjonalpark.

Nasjonalparkstyret viser til at Ulvådalen Sausankelag har fått dispensasjon til oppføring av gjetarhytte 27.11.2014 i sak 36/14, og at det er sett slik vilkår om plassering, pkt.3: *«Gjetarhytta skal plasserast på vestsida av Børrebottelva og T-merka stig til Tjønnebu, innafor Børrebotthøgda, i området nær tidlegare teltplass. Nøyaktig plassering skal avklarast i felt.»*

Når endeleg plassering av gjetarhytta er avklart i felt, får Ulvådalen Sausankelag dispensasjon til å nytte helikopter for nødvendig transport av byggjematerialar og utstyr i samband med byggetiltaket.

Dispensasjon er gjeve med heimel i verneforskrift for Romsdalen lvo, § 3 pkt. 5.3, b) og Reinheimen np, § 3, pkt. 6.3, b), og med følgjande vilkår:

- Dispensasjon gjeld for inntil 7 tur-returar frå Tunga bru til byggjetomt vest for Børrebotthøgda
- Tal helikopterturar skal avgrensast til det som strengt tatt er nødvendig i samband med bygging av gjetarhytta, og gjennomførast i løpet av hausten 2016.
- I forkant av helikoptertransporten skal sankelaget varsle lokalt SNO v/Thomas Rødstøl på tlf: 915 47 617.
- Det skal førast køyrebok som skal vere med køyretøyet under transporten. Kopi av køyrebok skal sendast nasjonalparkforvaltar det aktuelle året, innan 31.desember.

Dersom det er ønske om ny plassering av gjetarhytta og bygge på tomt ved Børrebottvatnet inne i Børrebotnen, må Ulvådalen Sausankelag søkje nasjonalparkstyret for Reinheimen om ny dispensasjon, for ei ny grundig konsekvensvurdering av tiltaket.

Saksopplysningar

Dokument i saka

- Søknad og kart med ny plassering av gjetarbu, Ulvådalen Sausankelag v/Geir Hanekamhaug, 06.07.2016
- Brev frå styret i Ulvådalen Sausankelag, 19.07.16
- Vedtak Rauma kommune, frådeling punktbeste, sak 229/2016, 30.06.2016
- Vedtak i Rauma kommune, byggesak 37/2016, 24.02.2016
- Søknad og kart frå Ulvådalen Sausankelag v/leiar Atle Bakken, 15.03.2014
- Klage på vedtak om omgjøring av tillatelse til oppføring av gjetarbu i Reinheimen nasjonalpark, Miljøverndepartementet 17.12.2010

Søknaden:

Ulvådalen Sausankelag, v/ Geir Hanekamhaug, søker i e-post 06.07.16 om ny plassering av gjetarbu i Børrebotn.

«SØKNAD/ FORESPØRSEL OM FLYTTING AV TILDELT TOMT I BØRREBOTNEN I RAUMA KOMUNE

Vi har i tidligere søknad fått løyve til å bygge gjetarbu, (på vestsida av Børrebottelva og T- merka stig, innafor Børrebotthøgda, i område nær tidligere teltplass).


Da vi av lokalkjente og ved egen befarung, ble kjent med att området kunne være svært rasutsatt, på vinterstid, ble det besluttet å flytte bua lenger inn i Børrebotnen. Og det er nok her det har sviktet hos oss. Den informasjonen er ikke kommet til dere, beklager.

Vi søker derfor om å få bygge gjetarbua i Børrebotnen, en god km lenger inn, enn tidligere tildelt plass. Ved Børrebotvatnet, på motsatt side av merket stig. Dette er av medlemmene og ikke minst av gjeterne vurdert som ei svært god plassering. Rasfritt, enkel grunn å bygge på, det beiter mye sau i området og området er svært rovdyrutsatt.

Som dere er kjent med var vi i ferd med å flytte inn materialer i dag 6. juli, da vi beklageligvis trodde alt var i orden. Vi har derfor allerede bygget en tørrmur til gjetarbua. Plasseringen er også godkjent av Rauma Kommune og slik jeg vurderer det har punktbestet fått Gnr. 202/3

Kartreferanse: 32 V 043450 UTM 6907666 Kartdatum WGS 84

Dette er identisk med der tørrmuren er oppkommet +/- 3 m



Vurdering:

Ulvådalen Sausankelag fekk dispensasjon til å byggje gjetarhytte på vestsida av Børrebottelva i området

ved tidlegare teltplass. Nasjonalparkstyret behandla saka 27.11.2014 i sak 36/14, og gjorde slik vedtak:

«Vedtak

Med heimel i verneforskrift for Reinheimen nasjonalpark § 3 pkt. 1.3 bokstav c) og forvaltningsplan for Reinheimen, får Ulvådalen sausankelag løyve til byggje gjetarhytte på vestsida av Børrebottelva og T-merka stig, innafor Børrebotthøgda. Gjetarhytta skal berre brukast i samband med tilsyn av beitedyr i området.


Vilkår:

1. *Arealet på gjetarhytta skal ikkje overstige 15 m2 utvendige mål.*
2. *Gjetarhytta skal ha ei form, farge og fasade som gjer at ho er til minst mogeleg sjenanse i landskapet.*
3. *Gjetarhytta skal plasserast på vestsida av Børrebottelva og T-merka stig til Tjønnebu, innafor Børrebotthøgda, i området nær tidlegare teltplass. Nøyaktig plassering skal avklarast i felt.*
4. *Ulvådalen sausankelag er ansvarlege for vedlikehald og drift av gjetarhytta.*
5. *Etter bygging skal eventuelle bygningsmaterial som er til overs ryddast og transporterast bort frå området.*
6. *Forvaltningsstyresmakta kan påleggje Ulvådalen Sausankelag om å fjerne gjetarbua dersom plassering og bruk fører til ulempe for verneverdiane i området.*
7. *Dersom drifta til Ulvådalen Sausankelag vert avvikla/lagt om, og det ikkje lenger er behov for gjeting skal Ulvådalen Sausankelag demontere og fjerne gjetarhytta frå området.*

Ulvådalen Sausankelag må skaffe nødvendige løyve frå Rauma kommune og grunneigar før bygging. Det må og søkjast om dispensasjon til evt motorisert transport av byggjematerial/hytte.»

I ny søknad frå Ulvådalen Sausankelag 06.07.16, står det at sankelaget under eigen synfaring i området vart kjent med at det godkjende området for plassering av gjetarbua var rasutsett, på vinterstid. Med bakgrunn i dette ønskjer sankelaget å flytte bua lenger inn i Børrebotnen, på ei slette ved Børrebotvatnet, på motsett side av merket turstig. Søkjaren vurderer den nye tomta som svært god. Det står i søknaden at ny plassering er rasfri, det er enkel byggjegrunn, og det beiter mykje sau i området som er svert utsatt for rovdyr. Samtidig beklagar søkjaren at nasjonalparkstyret ikkje vart kontakta om ny tomt. Dei opplyser også om at det er bygd ein tørrmur til gjetarbua, då dei trudde at alt var godkjent. Søkjaren viser i den samanheng til at plasseringa er godkjent av Rauma kommune, saksnr. 227/2016, 30.06.2016 – *Frådeling av punktteste for gjetarhytte*. Vedtaket i Rauma kommune i sak 227/2016, 30.06.2016 er i strid med nasjonalparkstyret sitt vedtak i sak 36/14, 27.11.2014, og Rauma kommune sitt vedtak i byggesaka 37/2016, 24.02.2016.

Kartet under viser ny plassering av gjetarhytta i Børrebotnen, og godkjent område for plassering av gjetarhytta, vest for Børrebottelva ved teltplassen, som det er gjeve dispensasjon til i sak 36/14, 27.11.2014. Saksprotokoll frå møtet i nasjonalparkstyret 27.11.2014 er markert med grå bakgrunn til slutt i saksutgreiinga.



Føremåla med Reinheimen nasjonalpark er mellom anna å ta vare på eit stort, samanhengande og villmarksprega fjellområde med eit høgfjellsøkosystem, der leveområdet

til villreinstammen i Ottadalen nord er sentralt. Ved plassering av nye bygg i nasjonalparken skal ein unngå inngrep som reduserer villmarkspreget til området, og er i strid med verneføremålet. Ny plassering av gjetarhytta vil føre til eit inngrep ca 2 km lenger inn i nasjonalparken, og det vil etter nasjonalparkforvaltaren sitt syn vera ei vesentleg endring, som krev ei ny konkret vurdering i høve til verneverdiane og verneføremålet. I området frå Ulvådalsvatnet til Tjønnebu er det ikkje bygningar i dag, og ein skal vera forsiktig med å tillate nybygg i nasjonalparken sjølv om det er opning for det i verneforskrifta. Dersom det skal gjevast dispensasjon til å sette opp gjetarhytte på ei ny tomt lenger inn i verneområdet, må det liggje til grunn ei grundig vurdering av konsekvensar av tiltaket for verneverdiane på stutt og lang sikt. Det må mellom anna gjerast ei vurdering av behovet for ny plassering, der fordelane ved å gje dispensasjon må vera klart større enn ulempene for verneverdiane.




Foto: SNO juli 2016, på begynt ringmur ved Børrebottvatnet.

Av omsyn til beiteområdet vil gjetarhytta vera strategisk plassert i nærleiken av den gamle teltplassen (sjå foto under). Området ved Børrebotthøgda ligg midt mellom området vestover Grøndalen, og nordover til Børrebotnen. I tillegg viser fotodokumentasjon frå SNO at det ligg betre til rette for å finne ein skjerma plassering ved den tidlegare teltplassen. Her er det meir vegetasjon og grusrander, som gjer at gjetarhytta ikkje vert så dominerande i eit elles ope og villmarksprega landskap.



Foto: SNO juli 2016, utsikt mot sør fra teltplass (over t.v). Utsikt fra rande ved teltplass innover Børrebotn (over t.h). Utsikt fra rande ved teltplass innover Grøndalen (under t.v)

Når det gjeld områder som er utsett for snøskred har NVE kartlagt slike områder. På NVE sine nettsider er det tilgjengelig innsynsløsninger i skredatlas: <http://atlas.nve.no/html5Viewer/?viewer=nveatlas> Kartet under er henta fra skredatlas, og viser at det er skredsikre områder også ved den gamle teltplassen, vest for Børrebotthøgda, som det er gjeve dispensasjon til i 2014.



Skredatlas, NVE: utløpssone skred - skravert lys raudt.

Med bakgrunn i nye opplysningar i saka, kan ikkje nasjonalparkforvaltaren sjå at det er behov for ei ny plassering av gjetarhytta lenger inn i nasjonalparken. Fordelane ved å plassere gjetarhytta lenger inn i verneområdet er små, og ulempene for verneverdiane er store og i strid med verneføremålet. Det bør ikkje gjevast dispensasjon til ny plassering av gjetarhytte.

ST 36/14 Reinheimen nasjonalpark - Dispensasjon - 2014 - Oppføring av gjetarhytte i Børrebotnen - Ulvådalen Sausankelag 2014/2296, markert under med grå bakgrunn.

Saksprotokoll i Nasjonalparkstyret for Reinheimen - 27.11.2014

Forslag i møte om endring i fyrste avsnitt i innstilling og pkt. 1 i vilkår: «*Med heimel i verneforskrift for Reinheimen nasjonalpark § 3 pkt. 1.3 bokstav c) og forvaltningsplan for Reinheimen, får Ulvådalen sausankelag løyve til byggje gjetarhytte på vestsida av Børrebottelva og T-merka stig, innafor Børrebotthøgda. Gjetarhytta skal berre brukast i samband med tilsyn av beitedyr i området.*»

«*Vilkår:1. Arealet på gjetarhytta skal ikkje overstige 15 m² utvendige mål .*»

Endringsforslaget samrøystes vedteke.

Vedtak

Med heimel i verneforskrift for Reinheimen nasjonalpark § 3 pkt. 1.3 bokstav c) og forvaltningsplan for Reinheimen, får Ulvådalen sausankelag løyve til byggje gjetarhytte på vestsida av Børrebottelva og T-merka stig, innafor Børrebotthøgda. Gjetarhytta skal berre brukast i samband med tilsyn av beitedyr i området.

Vilkår:

1. Arealet på gjetarhytta skal ikkje overstige 15 m² utvendige mål.
2. Gjetarhytta skal ha ei form, farge og fasade som gjer at ho er til minst mogeleg sjenanse i landskapet.
3. Gjetarhytta skal plasserast på vestsida av Børrebottelva og T-merka stig til Tjønnebu, innafor Børrebotthøgda, i området nær tidlegare teltplass. Nøyaktig plassering skal avklarast i felt.
4. Ulvådalen sausankelag er ansvarlege for vedlikehald og drift av gjetarhytta.
5. Etter bygging skal eventuelle bygningsmaterial som er til overs ryddast og transportert bort frå området.
6. Forvaltningsstyresmakta kan påleggje Ulvådalen Sausankelag om å fjerne gjetarbua dersom plassering og bruk fører til ulempe for verneverdiane i området.
7. Dersom drifta til Ulvådalen Sausankelag vert avvikla/lagt om, og det ikkje lenger er behov for gjeting skal Ulvådalen Sausankelag demontere og fjerne gjetarhytta frå området.

Ulvådalen Sausankelag må skaffe nødvendige løyve frå Rauma kommune og grunneigar før bygging. Det må og søkjast om dispensasjon til evt motorisert transport av byggjematerial/hytte.

Saksopplysningar

Søknaden

Ulvådalen Sausankelag v/leiar Atle Bakken søker om å sette opp ei gjetarbu mellom Ulvådalen og Børrebotnen i Reinheimen nasjonalpark. Hytta er i planlagt i storleik 14-15 m² og plasserast slik at den ikkje er til sjenanse av omsyn til terrenget. I søknaden skriv Atle Bakken at dersom Ulvådalen Sausankelag vert avvikla eller gjetarordninga vert vesentleg omlagd forpliktar søkjar seg til å demontere hytta.

Det står vidare i søknaden:

Ulvådalen sausankelag vart starta opp i 1979 og består av 13 medlemmar, med 2000-2500 sau som beitar i Reinheimen nasjonalpark. Sauane beitar i Ulvådalen i Rauma kommune. Sausankelaget har frå før ei gjetarhytte som ligg på grensa til nasjonalparken ved utløpet av Ulvådalsvatnet, sjå kart. I 1994 vart det meir plager med jerv i området, og tilsynet vart lagt om. Sidan 1998 har laget brukt vokterhund i tilsynsarbeidet, og patruljert 3 dagar i veka med overnatting i telt i den inste delen av beiteområdet.

I 2008 vart beiteområdet delt i to med ei patrulje i kvart område, med overnatting 3 dagar i veka. I området Litlehånddalen – Vakkerstølen – Storseila – Grøndalen leiger sausankelaget Jervebu (sjå kart) til hundeføraren. Det andre området Trollstølen – Børrebotn – Halsholet – Grøndalen er overnattinga i telt (sjå kart) minst 3 dagar i veka, frå 1.juli til 1.september. I søknaden skriv Atle at det ikkje har vore problemfritt med overnatting i telt av omsyn til vind, regn og behov for tørkeplass for klede og utstyr. Det er og vanskeleg å få folk til å gjennomføre tilsynsoppdrag utan tilgang på overnatting i tett hus.



Søknaden vert vurdert i samsvar med:

1. Forskrift for Reinheimen nasjonalpark, 24.11.2006
2. Forvaltningsplan for Reinheimen, mars 2010.
3. Naturmangfaldlova, dagsett 19, juni 2009 nr.100.

Verneforskrift og verneformål og framlegg til forvaltningsplan

Omsynet til verneverdiane i området er vurdert, særleg i forhold til landskap, dyreliv og friluftsliv, jf. verneforskrifta for Reinheimen nasjonalpark § 2, og naturmangfaldlova §§ 1(Formål), 4 og 5 (forvaltningsmål for naturtypar, økosystem og artar) samt § 7(prinsipp for å ta offentleg avgjerd), jf. § § 8-12 (kunnskapsgrunnlaget og miljørettslege prinsipp).

Verneføremål § 2, Reinheimen nasjonalpark:

«Formålet med Reinheimen nasjonalpark er å:

- ta vare på eit stort, samanhengande og villmarksprega fjellområde
- ta vare på eit høgfjellsøkosystem med eit eigenarta og variert biologisk mangfald
- ta vare på sentrale leveområde til villreinstammen i Ottadalen nord
- ta vare på eit viktig referanseområde for forskning med ein aust-vest gradient med stor variasjonsbreidde i høve til geologi, klima, vegetasjon og topografi
- ta vare på landskapsformer og særprega geologiske førekomstar
- ta vare på vassdragsnaturen i området
- verne om kulturminne

Ålmenta skal ha tilgang til naturoppleving gjennom utøving av tradisjonelt og enkelt friluftsliv med liten grad av teknisk tilrettelegging.»

Etter verneforskrift for Reinheimen nasjonalpark, § 3, pkt. 1.3, bokstav c) kan forvaltningsstyresmakta gje løyve til «oppføring av nødvendige bygningar i regi av beitelag til beitebruk og tilsyn.»

Forvaltningsplan omtalar retningslinjer for **Fellesbuer til beitebruk og tilsyn** § 3, pkt 1.3, c), på s. 38:

«Forvaltningsstyresmakta kan etter søknad gje løyve til oppføring av fellesbuer ved

særleg behov i område med organisert beitebruk i regi av beitelag. Størleik og utforming skal vere tilpassa og avgrensa til det behovet som er knytt til beitebruken. Fellesbuer til beitebruk og tilsyn skal ikkje overstige eit samla areal 40 m² (BRA) etter Norsk Standard NS3940, inkl. eventuelle uthus.»

Vurdering

Det er heimel i verneforskrifta for Reinheimen nasjonalpark til å gje løyve til å byggje gjetarbu i samband med tilsyn i område med særlege behov, der beitebruken er organisert i beite- og sankelag. Om eit løyve skal gjevast må vurderast i høve til om den konkrete søknaden gir grunnlag for å gje dispensasjon. Ulvådalen sausankelag er etter nasjonalparkforvaltaren si vurdering eit svert godt organisert og drive sausankelag, og har dokumentert eit reelt behov for ei gjetarbu inn mot Børrebotn, som erstatning for å bruke telt i tilsynsarbeidet.

Hovudføremålet til Reinheimen nasjonalpark er mellom anna å ta vare på eit stort samanhengande villmarksprega fjellområde utan tyngre inngrep. Det vil derfor vera ein høg terskel for å gje løyve til oppføring av nye bygg i nasjonalparken. Eit nytt bygg vil føre til at det definerte villmarkspreget i nasjonalparken vert redusert. På ei anna side er behovet for ei gjetarbu godt dokumentert av sausankelaget, og Atle Bakken skriv i søknaden at dei pliktar å fjerne bygget dersom sausankelaget/gjetarordninga vert avvikla. Det er og eit hovudføremål å ta vare på eit høgfjellsøkosystem med eit eigenarta og variert biologisk mangfald i nasjonalparken. Dyr på beite er i så måte viktige for å hindre attgroing og tap av det biologiske mangfaldet, særleg ned mot fjelldalane og landskapsvernområda. Tradisjonelt har gardsdrifta i fjellbygdene vore avhengig av fjellet ved at beitedyra nyttar utmarksbeite.

I nasjonalparken er villrein ein nøkkelart som utnyttar vegetasjonsdekke. Området som tilsynsbua ønskjast oppført, ligg i utkanten av kjerneområdet/heilårsbeite som villreinen brukar. På kart i forvaltningsplan er det markert trekkveg for villrein der Børrebotthøgda møter Ulvådalen og Grøndalen. I følge SNO er det nesten ikkje villrein i dette konkrete området som kjem i konflikt med beite- og tilsynsarbeidet til sausankelaget.

Det er om lag 25 gjetarhyttar innafor verneområdet, som er knytt til organisert beitebruk. Oppføring av 2

gjetarbuar innafor Lordalen i 2014, etter klagebehandling i Miljødirektoratet med endeleg løyve, skapar presedens i andre saker i verneområdet med like store behov. Kunnskapsgrunnlaget jf. § 8 er tilstrekkeleg.

§11 Kostnadsdekking ved miljøforringelse og § 12 Miljøforsvarlege teknikkar er vurdert. Tiltakshavar må skaffe nødvendig løyve frå Rauma kommune for tiltaket, jf. plan- og bygningslova. Ny hytte skal nyttast i samband med tilsyn av beitedyr i området, og ha ein storleik og utsjåande som ikkje er generande i området. Hytta skal kunne byggast slik at den dersom forhold og føresetnader for beitebruk endrar seg, kan fjernast og fraktas ut av verneområdet. Av omsyn til miljøverdiar skal området etter bygging ryddast, og overflødig bygningsmateriell skal fjernast frå området.

Ut i frå ei samla vurdering av dei fordelane og ulempene som oppføring av gjetarbua kan ha, finn nasjonalparkforvaltaren at behovet for ei gjetarbu er stort og viktig for å ivareta beitebruken i området der Ulvådalen sausankelag har beitedyr. Ulempene for verneverdiane i nasjonalparken er små i høve til fordelane ved oppføring av gjetarbua og tilrettelegging for beitebruken i området. Vilkåra for å få byggje gjetarbua hindrar eventuelle uheldige konsekvensar for verneverdiane i området.